

Strateški plan rada
2022-2024

Godišnji program rada
za 2022. godinu
Kantonalnog suda u Bihaću

Sadržaj:

A. Uvod	2
1) Opis nadležnosti suda, sa vizijom i izjavom o misiji. Mandat, misija i vizija	3
2) Strateški okvir, relevantan za ovo strateško planiranje.....	4
3) Pregled strateških i trogodišnjih ciljeva za period strateškog planiranja	5
4) Sažetak prioriteta za plansku godinu, kao i procjene mogućih problema i rizika u realizaciji	8
5) Analiza unutrašnjeg i vanjskog okruženja u kojem radi sud	10
B. Pregled ciljeva i godišnjih aktivnosti po strateškim i trogodišnjim ciljevima	12
C. Godišnji plan rješavanja predmeta	14
D. Ostale informacije	14

A. Uvod

Obaveza predsjednika suda da sačini godišnji program rada propisana je odredbom člana 8. stav (1) tačka (f) Pravilnika o unutrašnjem sudskom poslovanju („Službeni glasnik BiH“, br. 66/12,40/14,54/17,60/17 i 30/18)

Svrha sačinjavanja programoma rada je da se osiguravaju uslovi za blagovremeno, efikasno, kvalitetno, profesionalno i transparentno obavljanje poslova iz utvrđene nadležnosti suda.

Program rada Kantonalnog suda u Bihaću za period 2022.-2024. godina predviđa realizaciju zadataka i poslova koji proizilaze iz nadležnosti ustanovljene Ustavom BiH, Ustavom FBiH, Zakonom o sudovima u FBiH, Zakonom o VSTV-u BiH, te drugim zakonskim i podzakonskim propisima kojima se reguliše nadležnost sudova.

Strateški cilj ovog suda je da održi rezultate postignute u prethodnom periodu, te da dodatno poboljša efikasnost i kvalitet u donošenju odluka u cilju pružanja pravne sigurnosti svim građanima na području Unsko-sanskog kantona i njihovu bolju informisanost o aktivnostima suda.

Analizom dosadašnjih rezultata rada u ovom sudu može se konstatovati da je sud ažuran i da je kvalitet sudskih odluka, iako ima prostora za dodatno poboljšanje, na zadovoljavajućem nivou. Ostvarena kolektivna norma na nivou suda u prethodnim godinama, kao i individualna norma sudaca, pokazatelj je stalnog nastojanja da se ažurnost suda postavi na zavidan nivo.

1) Opis nadležnosti suda, sa vizijom i izjavom o misiji. Mandat, misija i vizija

Mandat suda

Kantonalni sud u Bihaću osnovan je Zakonom o sudovima u Federaciji Bosne i Hercegovine („Službene novine F BiH“ broj: 38/05, 22/06, 63/10, 72/10 7/13 i 52/14) za područje Unsko-sanskog kantona. Stvarna nadležnost ovog suda propisana je članom 28. istog zakona a obuhvata slijedeće:

1. Prvostepena nadležnost:

- a) da sudi za krivična djela za koja je zakonom propisana kazna zatvora više od 10 godina ili dugotrajni zatvor, ako zakonom nije određena nadležnost drugog suda;
- b) da postupa u toku istrage i nakon podizanja optužnice u skladu sa zakonom;
- c) da sudi za krivična djela za koja je Sud Bosne i Hercegovine prenio nadležnost na kantonalne sudove i
- d) da odlučuje u svim upravnim sporovima kao i u zahtjevima za zaštitu sloboda i prava utvrđenih ustavom ako su takve slobode i prava povrijeđeni konačnim pojedinačnim aktom ili radnjom službenog lica u organima uprave odnosno odgovornog lica u preduzeću, ustanovi ili drugom pravnom licu kada za zaštitu tih prava nije osigurana druga sudska zaštita.

2. Drugostepena nadležnost:

- a) da odlučuje o žalbama protiv odluka općinskih sudova
- b) da odlučuje o žalbama izjavljenim na rješenja o prekršajima
- c) da odlučuje o drugim redovnim i vanrednim pravnim lijekovima ako je to određeno zakonom

3. Ostalo:

- a) da rješava o sukobu mjesne nadležnosti između općinskih sudova sa područja kantona
- b) da odlučuje o prenosu mjesne nadležnosti sa jednog općinskog suda na drugi općinski sud na području kantona
- c) da odlučuje o brisanju osude i prestanku mjera sigurnosti i pravnih posljedica osude na osnovu sudske odluke
- d) da postupa po molbama za pomilovanje u skladu sa zakonom
- e) da rješava o priznavanju odluka stranih sudova, stranih trgovačkih sudova i stranih arbitraža
- f) da pruža međunarodnu pravnu pomoć u krivičnim predmetima i
- g) da obavlja druge poslove određene zakonom

Misija suda

Kantonalni sud u Bihaću pravovremeno, efikasno, odgovorno, nepristrano, nezavisno, kvalitetno i pravično obavlja zakonom utvrđene poslove.

Vizija suda

Kantoni suda u Bihaću osigurava svim građanima jednak pristup pravdi u skladu sa zakonom i najvišim standardima zaštite ljudskih prava i sloboda te efikasno i kvalitetno rješava sve postupke.

2) Strateški okvir, relevantan za ovo strateško planiranje

Strateški okvir u najvažnijem dijelu čine slijedeći akti:

1. Ustav Bosne i Hercegovine
Utvrdjuje obavezu da sudovi primjenjuju Ustavom propisana ljudska prava i osnovne slobode u vezi sa Evropskom konvencijom za zaštitu ljudskih prava i osnovnih sloboda i njenim protokolima koji se direktno primjenjuju u Bosni i Hercegovini, a čiji član 6. propisuje pravo na pravično suđenje sa posebnim akcentom na suđenje u razumnom roku;
2. Zakon o sudovima u Federaciji Bosne i Hercegovine
Kantonalni sud u Bihaću nadležan je da u prvom stepenu odlučuje o krivičnim i upravnim predmetima, a u drugom stepenu o žalbama protiv odluka općinskih sudova;
3. Zakon o Visokom sudskom i tužilačkom vijeću Bosne i Hercegovine
Visoko sudsko i tužilačko vijeće, između ostalog, imenuje sudije, predsjednika suda, dodatne sudije, sudije porotnike, utvrđuje disciplinsku odgovornost i izriče disciplinske mjere sudijama;
4. Strateški plan VSTV-a
Dokument koji, pored ostalih, kao strateške ciljeve definiše unapređenje i efikasnost sudova, kvalitet rada pravosuđa, te otvorenost i dostupnost informacija o radu pravosudnih institucija u Bosni i Hercegovini;
5. Strategija za reformu sektora pravde u Bosni i Hercegovini
Postavlja strateški okvir za cjelokupan sektor pravde i predviđa da svaka institucija revidira svoje postojeće strateške planove ili izradi nove koji će biti u skladu sa strateškim okvirom cjelokupnog sektora;
6. Revidiran državna strategija za rad na predmetima ratnih zločina
Ova strategija je donesena sa ciljem da se pronađe sistemski pristup problematici rješavanja velikog broja predmeta ratnih zločina;
7. Strategija za borbu protiv organizovanog kriminala u Bosni i Hercegovini
Ova strategija prepoznaje sudove kao važne činioce koji moraju razviti unutrašnje potencijale i kapacitete za efikasnu borbu i strateški pristup problematici organizovanog kriminala;
8. Strategija za borbu protiv korupcije
Ima viziju svijeta u kojem su vlada, poslovni sektor, civilno društvo i svakodnevni život ljudi oslobođeni korupcije, a insistiranje na primjeni zakona i sankcionisanje su osnov ove strategije;
9. Sporazum o stabilizaciji i pridruživanju Evropskoj uniji,
Između ostalog, definiše da će strane u međusobnoj saradnji imati za cilj jačanje nezavisnosti sudstva i unapređenje njegove efikasnosti kao i jednakost u postupanju;
10. Izvještaj stručnjaka o pitanjima vladavine prava u Bosni i Hercegovini (Priebeov izvještaj iz 2019. godine)
Ovim dokumentom se ukazuje na niz nedostataka u vladavini prava u Bosni i Hercegovini;

3) Pregled strateških i trogodišnjih ciljeva za period strateškog planiranja

Strateški pristup je fokus usmjerio na tri konkretna strateška cilja:

1. Unapređenje efikasnosti rada suda
2. Unapređenje kvaliteta sudskih odluka
3. Unapređenje transparentnosti rada suda

1. Strateški cilj 1. - Unapređenje efikasnosti rada suda

Ostvarivanje navedenog strateškog cilja odnosi se prvenstveno na povećanje procenta realizacije prvostepenih K predmeta sa akcentom na predmete iz oblasti organizovanog kriminala i korupcije, kao i zadržavanje postignute ažurnosti suda na ostalim referatima rješavanjem priliva predmeta. U pravcu ostvarivanja ovog strateškog cilja, Kantonalni sud u Bihaću definiše sljedeće trogodišnje ciljeve:

Trogodišnji cilj 1.1. *Smanjen broj neriješenih predmeta iz oblasti organizovanog kriminala i korupcije*

Predmeti koji se odnose na organizirani kriminal i korupciju imaju prioritet u radu suda. Kantonalni sud u Bihaću će svojim aktivnostima i dodatnim naporom u 2022. godini nastojati da na kraju godine ostane osam neriješenih predmeta iz ove oblasti.

Aktivnosti koje ovaj sud planira provesti u okviru navedenog trogodišnjeg cilja su:

- a) Analiza predmeta i utvrđivanje razloga zbog kojih nisu riješeni;
- b) Utvrđivanje prijedloga mjera za efikasno vođenje glavnih pretresa i njihovo provođenje;
- c) Analiza efikasnosti utvrđenih mjera i po potrebi preduzimanje dodatnih aktivnosti.

Trogodišnji cilj 1.2. *Rješavanje priliva predmeta na drugostepenim i upravnim predmetima*

Kantonalni sud u Bihaću, godinama unazad, ima dobru produktivnost rada. Naime, svake godine ovaj sud riješi više predmeta nego što ih zaprimi. Iz tog razloga se broj neriješenih predmeta iz godine u godinu smanjuje. U 2022. godini sud će nastojati zadržati ažurnost suda na drugostepenim i upravnim predmetima, na način da procent riješenosti priliva drugostepenih predmeta bude 100%, a procent riješenosti priliva predmeta na upravnim predmetima bude 95%.

Ovaj cilj sud će postići provođenjem sljedećih aktivnosti:

- a) Izradom kvartalnih planova za drugostepene predmete i praćenje realizacije;
- b) Izradoma godišnjeg plana i revizije plana za prvostepene predmete i praćenje realizacije;
- c) Analizom podataka o riješenosti priliva predmeta, te utvrđivanjem i provođenjem mjera za otklanjanje eventualnih problema;
- d) Analizom razloga eventualnog nerješavanja priliva upravnih i građanskih predmeta;
- e) Analizom i diskusijama o razlozima i predlaganjem mjera za ubrzanje postupaka upravnih predmeta;
- f) Analizom razloga eventualnog nerješavanja priliva krivičnih i prekršajnih predmeta;
- g) Praćenjem realizacije usvojenih mjera;

- h) Praćenjem broja i strukture predmeta raspoređenih sudijama, te eventualno izmjena rasporeda ili broja predmeta ako nove okolnosti to zahtijevaju.

Strateški cilj 2. - Unapređenje kvaliteta sudskih odluka

Kantonani sud u Bihaću želi podići na višu razinu kvalitetu sudskih odluka smanjenjem broja ukinutih odluka. Ovim strateškim ciljem prvenstveno se želi unaprediti kvaliteta sudskih odluka na krivičnim i upravnim predmetima. Stoga je u ostvarenju ovog strateškog cilja sud odredio sljedeće trogodišnje ciljeve:

Trogodišnji cilj 2.1. *Smanjen procent ukinutih odluka na krivičnom referatu*

Sud će svojim aktivnostima i dodatnim naporima doprinijeti povećanju kvaliteta sudskih odluka i nastojati da broj ukinutih odluka u 2022. godini ne bude veći od 25%.

Ovaj cilj će se ostvariti kroz sljedeće aktivnosti:

- a) Analiza razloga koji su doveli do ukidanja sudskih odluka;
- b) Praćenje sudske prakse;
- c) Redovno održavanje sjednica kolegija odjeljenja suda.

Trogodišnji cilj 2.2. *Smanjen procent ukinutih odluka na upravnom referatu*

U 2022. godini Sud će nastojati da se smanji broj ukinutih odluka na upravnom referatu i da procent ukinutih odluka ne bude veći od 20%.

Ovaj cilj će se ostvariti kroz sljedeće aktivnosti:

- a) Analiza razloga koji su doveli do ukidanja sudskih odluka;
- b) Praćenje sudske prakse;
- c) Redovno održavanje sjednica kolegija odjeljenja suda;
- d) Zauzimanje pravnih stavova i pravnih shvatanja ujednačavanja sudske prakse.

Strateški cilj 3. Unapređenje transparentnosti rada suda

U okviru ovog strateškog cilja prioritet je jačanje povjerenja javnosti u rad suda što se može postići većom transparentnošću u smislu ažurnog objavljivanja informacija o radu i posignutim rezultatima suda, tako da je Sud za ostvarenje ovog strateškog cilja odredio sljedeći trogodišnji cilj:

Trogodišnji cilj 3.1. *Informisanje javnosti o pitanjima značajnim za rad suda*

Kantonalni sud u Bihaću je u 2021. godini na web stranici suda, a nakon što su anonimizirane, objavio kompletne sve prvostepene presude koje je sud donio u predmetima ratnih zločina u period od 1995. do kraja 2021. godine, njih ukupno 79, a ova aktivnost će se kontinuirano provoditi po donošenju novih odluka. Sud će nastaviti da informiše javnost o svim pitanjima značajnim za rad suda kao i aktivnostima koje su interesantne javnosti i medijima, te planira u 2022. godini povećati broj objava na web stranici za 7%.

Ovaj cilj će se ostvariti kroz sljedeće aktivnosti:

1. Objavljivanje anonimiziranih presuda suda donesenih u predmetima organiziranog kriminala i korupcije;
2. Objavljivanje odluka i akata od značaja za rad suda, a prema Listi akata koji se objavljuju;
3. Objavljivanje statističkih i drugih izvještaja o radu suda prema utvrđenoj Listi akata koji se objavljuju.

4) Sažetak prioriteta za plansku godinu, kao i procjene mogućih problema i rizika u realizaciji

Prioriteti Kantonalnog suda u Bihaću za plansku 2022. godinu, a u okviru strateških ciljeva su:

Strateški cilj 1. - Unapređenje efikasnosti rada suda

Ostvarivanje navedenog strateškog cilja odnosi se prvenstveno na povećanje procenta realizacije prvostepenih K predmeta sa akcentom na predmete iz oblasti organizovanog kriminala i korupcije, kao i zadržavanje postignute ažurnosti suda na ostalim referatima rješavanjem priliva predmeta. Navedeni prioriteti su postavljeni nakon izvršene analize rada suda u 2020. i 2021. godini, koji rezultati su ukazali na potrebu da se na krivičnom referatu poduzmu dodatne mjere i aktivnosti. Iako ne kao predhodne godine, situacija izazvana pandemijom corona virusa imala je uticaj naročito na prvostepenim krivičnim predmetima sa većim brojem optuženih. Također, pored navedenog, problem u radu na krivičnom referatu nastao je i zbog duljih bolovanja sudija koji duže krivične predmete tako da je Krivično odjeljenje jedan duži period radilo samo sa predsjednikom odjeljenja. Osim navedenog, u toku 2021. godine bio je povećan priliv predmeta iz ove oblasti. Svi ovi razlozi rezultirali su da i pored završenih 10 predmeta, sud će u 2022. godini postupak voditi u 11 predmeta (uz dva nerješiva predmeta), tako da je očekivani rezultat da na kraju godine ostane 8 neriješenih predmeta. Kao nepredvidivi rizik za ostvarenje ovog cilja ovaj sud vidi u mogućnosti dužih odsustvovanja sudija zbog bolovanja i većeg prilika predmeta iz ove oblasti. Također, rizik je i nemogućnost tačnog predviđanja potrebnih ljudskih resursa, prevashodno sudija, zbog izostanka tačnih podataka o potencijalnom broju predmeta ratnog zločina koji će ovom sudu biti preneseni u nadležnost i vremenu kada će biti preneseni, kao i duga procedura imenovanja novih sudija.

S druge strane, problemi izazvani corona virusom doveli su do smanjenja priliva predmeta iz drugostepene nadležnosti suda, tako da je ovaj sud postigao maksimalnu ažurnost i 2021. godinu završio sa ukupno 631 neriješenim predmetom. Cilj je u narednom periodu zadržati postignutu ažurnost suda rješavanjem priliva predmeta. Problem koji bi mogao otežati realizaciju ovog cilja je očekivani povećani priliv predmeta sa općinskih sudova nakon stabilizacije rada sudova, kao i najveći broj zaprimljenih predmeta po žalbama u toku mjeseca decembra. Već evidentan problem je prestanak mandata troje iskusnih sudija zbog odlaska u penziju, a nove sudije nisu još uvijek imenovane. Ako postupak imenovanja novih sudija i bude relativno brzo proveden u tekućoj godini, proći će neko vrijeme da novoimenovane sudije daju svoj puni doprinos u radu na predmetima.

Strateški cilj 2. - Unapređenje kvaliteta sudskih odluka

Odnosi se na unapređenje kvalitete sudskih odluka prvenstveno na krivičnim i upravnim predmetima. Analizom statističkih podataka o kvalitetu rada suda u toku 2021. godine, evidentan je veći broj ukinutih odluka u krivičnim i upravnim predmetima. Naime, od 57 preispitivanih odluke u krivičnim predmetima njih 17 ili 29,82% je ukinuto, dok je od 143 odluke u upravnim predmetima njih 32 ili 22,38% ukinuto. Kad su u pitanju drugostepeni građanski predmeti od 71 preispitivane

odluke po reviziji, 5 odluka ili 7,04% je ukinuto. Za realizaciju ovog cilja, prvenstveno na upravnim predmetima, kao rizik je prepoznata dužina trajanja postupka pred Vrhovnim sudom F BiH, tako da efekt preduzetih mjera neće biti vidljiv u narednom periodu. Naime, najveći broj ukinutih odluka u 2021. godini (18), upravo su odluke sudija kojima je mandat prestao u ranijim godinama i koji nisu učestvovali u aktivnostima koje sud provodi za unapređenje ove mjere. Obzirom na navedene rizike sud u 2022. godini planira da procent ukinutih odluka na krivičnom referatu ne prelazi 25%, a da procent ukinutih odluka na upravnom referatu ne bude veći od 20%.

Strateški cilj 3. -Unapređenje transparentnosti rada suda

U okviru strateškog cilja prioritet je jačanje povjerenja javnosti u rad suda što se može postići većom transparentnošću u smislu ažurnog objavljivanja informacija o radu suda koje su razumljive svim građanima a koje su značajne sa aspekta prava na pristup sudu i uopšte, prava na pravično suđenje. Uočen je izostanak informacija o postignutim rezultatima rada u pogledu smanjenja broja neriješenih predmeta, skraćanja prosječnog trajanja postupka i drugim aspektima koji ukazuju da sud već duži vremenski period ostvaruje pozitivne rezultate koji doprinose vladavini prava, a koji su do sada ostali manje vidljivi javnosti.

5) Analiza unutrašnjeg i vanjskog okruženja u kojem radi sud

SWOT analiza predstavlja most između sadašnjeg stanja, koje je utvrđeno situacionom analizom i željenog budućeg stanja koje se definiše strateškim planom razvoja. Ovaj koncept nam daje sistematsku analizu prijetnji i prilika, kao i njihovo usaglašavanje sa jakim i slabim stranama suda. SWOT analiza obezbjeđuje informacije korisne za usklađivanje kapaciteta i sposobnosti sa okruženjem u kojem sud djeluje.

SNAGE	SLABOSTI
<ul style="list-style-type: none"> - Dobri uslovi rada - Dobra materijalno- tehnička opremljenost suda - Educirane, iskusne i kompetentne sudije građanskog odjeljenja - Educirani i iskusni uposlenici suda - Kvalitet, efikasnost i ažurnost predmeta na građanskom referatu - Korištenje internet platformi za educiranje uposlenika suda 	<ul style="list-style-type: none"> - Nedovoljna efikasnost rada na prvostepenim krivičnim predmetima - Lošiji kvalitet sudskih odluka na krivičnim i upravnim predmetima - Nedovoljna aktivnost suda u objavama i informisanju javnosti o aktivnostima suda - Nedovoljan broj iskusnih sudija - U dogledno vrijeme još veći nedostatak iskusnih sudija
PRILIKE	PRIJETNJE
<ul style="list-style-type: none"> - Sudjelovanje u izmjenama zakonske regulative - Interes donatora za rad suda - Edukacije sudaca i uposlenika putem webinarara - Prisutnost međunarodnih organizacija koje pružaju podršku migrantima 	<ul style="list-style-type: none"> - Neblagovremeno popunjavanje sudijskih funkcija - Kompleksan politički sistem i njegovi akteri u Bosni i Hercegovini - Rast broja migranata na području Unsko-sanskog kantona i povećan broj krivičnih djela čiji su počinioci migranti - Nedostatak sudskih tumača za maternje jezike migranata - Neredovne isplate naknada za braniocce po službenoj dužnosti i sudske tumače - Nemogućnost planiranja potrebnih ljudskih i materijalnih resursa zbog neizvjesnosti oko očekivanog priliva većeg broja predmeta ratnog zločina

Kantonalni sud u Bihaću, za razliku od većine sudova u Bosni i Hercegovini, kao svoju snagu ističe dobre uslove rada u novoj zgradi i njenu materijalno tehničku opremljenost, koja je dijelom napravljena i opremljena iz donatorskih sredstava. Ovakvi uslovi omogućili su ovom sudu da u vrijeme pandemije izazvane corona virusom, gotovo nesmetano organizuje rad suda u skladu sa uvedenim epidemiološkim mjerama (izuzetak održavanje glavnih pretresa sa većim brojem optuženih). Također, suci su se tokom svog dugogodišnjeg rada u pravosuđu specijalizirali za rješavanja predmeta iz određene oblasti.

Kao slabost u određenoj mjeri Kantonalni sud u Bihaću prepoznao je u radu na prvostepenim krivičnim predmetima iz oblasti organizovanog kriminala i korupcije. U pravilu, ovo su predmeti sa većim brojem optuženih, svjedoka i dokaza koje treba izvesti a koji usložnjavaju rad na ovim predmetima. Međutim, bez obzira na složenost

postupka, rješavanje ovih predmeta u razumnim rokovima je prioritet suda. Kao slabost je zapažena i činjenica da je sud napustio jedan broj iskusnih sudija zbog ispunjavanja uslova za starosnu penziju a što će se nastaviti i narednih godina.

Kada su u pitanju prilike ističemo mogućnost učešća u izmjenama zakonske regulative, edukacijama sudija i zaposlenika. Također, kao svoju priliku vidimo u, još uvijek, izraženom interesu donatora za rad suda kako bi, koristeći njihova sredstava, još više unaprijedili uslove rada.

Najveća prijetnja i izazov su politička neizvjesnost kao i veliki priliv migranata na područje Unsko-sanskog kantona a što je rezultiralo i povećanim brojem krivičnih djela i postupcima koji se vode pred sudovima na području našeg kantona protiv ovih lica. Rad na postupcima koji se vode protiv ovih lica je znatno otežan iz razloga što nema sudskih tumača, pa ni drugih lica koja poznaju maternji jezik migranata. Prijetnja radu suda su i neredovne isplate naknada braniocima po službenoj dužnosti, kao i sudskim tumačima što može dovesti do obustave pružanja njihovih usluga, a za posljedicu imati zastoja u vođenju krivičnih postupaka. Također, obzirom da trenutno sud radi samo sa 12 sudaca među kojim je i predsjednica suda, kao prijetnju za realizaciju strateških ciljeva vidimo i u dugoj proceduri imenovanja novih sudija a koju provodi VSTV-e.

B. Pregled ciljeva i godišnjih aktivnosti po strateškim i trogodišnjim ciljevima

Strateški cilj 1		Unapređenje efikasnosti rada suda		
Trogodišnji cilj 1.1.		<i>Smanjen broj neriješenih predmeta iz oblasti organizovanog kriminala i korupcije</i>		
Pokazatelji za izlazne rezultate		Očekivani rezultati po godinama		
		2022 (n)	2023 (n+1)	2024 (n+2)
Broj neriješenih predmeta iz oblasti organizovanog kriminala i korupcije		8	5	4
Redni broj	Naziv aktivnosti za 2022. godinu	Rok izvršenja		Nosilac
1.	Izrada Akcionog plana za rješavanje predmeta iz oblasti organizovanog kriminala i korupcije	I-IV kvartal		Odjeljenje sudske uprave
2.	Analiza predmeta iz Plana i utvrđivanje razloga zbog kojih nisu riješeni	I-IV kvartal		Predsjednik vijeća Predsjednik krivičnog odjeljenja
3.	Utvrđivanje prijedloga mjera za efikasno vođenje glavnih pretresa i njihovo provođenje	I-IV kvartal		Predsjednik vijeća Predsjednik krivičnog odjeljenja
4.	Analiza efikasnosti utvrđenih mjera i po potrebi preduzimanje dodatnih aktivnosti	I-IV kvartal		Predsjednik vijeća Predsjednik krivičnog odjeljenja Predsjednica suda
5.	Nastojanje održavanja ročišta kontinuirano	I-IV kvartal		Predsjednik vijeća

Strateški cilj 1		Unapređenje efikasnosti rada suda		
Trogodišnji cilj 1.2.		<i>Rješavanje priliva predmeta na drugostepenim i upravnim predmetima</i>		
Pokazatelji za izlazne rezultate		Očekivani rezultati po godinama		
		2022 (n)	2023 (n+1)	2024 (n+2)
Procent riješenosti priliva drugostepenih predmeta		100%	100%	100%
Procent riješenosti priliva upravnih predmeta		95%	97,5%	100%
Redni broj	Naziv aktivnosti za 2022. godinu	Rok izvršenja		Nosilac
1.	Izrada kvartalnih planova za drugostepene predmete i praćenje realizacije	I-IV kvartal		Odjeljenje sudske uprave Sudije
2.	Izrada godišnjeg plana i revizije plana za prvostepene predmete i praćenje realizacije	I-IV kvartal		Odjeljenje sudske uprave Sudije
3.	Analiza podataka o riješenosti priliva predmeta, te utvrđivanje i provođenje mjera za otklanjanje eventualnih problema	I-IV kvartal		Sudije Predsjednici odjeljenja Predsjednica suda
4.	Analiza razloga eventualnog nerješavanja priliva upravnih i građanskih predmeta	I-IV kvartal		Građansko odjeljenje
5.	Analiza i diskusija o razlozima i predlaganje mjera za ubrzanje postupaka upravnih predmeta	I-IV kvartal		Građansko odjeljenje
6.	Analiza razloga eventualnog nerješavanja priliva krivičnih i prekršajnih predmeta	I-IV kvartal		Krivično odjeljenje
7.	Praćenje realizacije usvojenih mjera	I-IV kvartal		Predsjednici odjeljenja Predsjednica suda
8.	Praćenje broja i strukture predmeta	I-IV kvartal		Predsjednici odjeljenja

raspoređenih sudijama te eventualno izmjena rasporeda ili broja predmeta ako nove okolnosti to zahtijevaju	Predsjednica suda
--	-------------------

Strateški cilj 2.		Unapređenje kvaliteta rada suda		
Trogodišnji cilj 2.1.		<i>Smanjen procent ukinutih odluka na krivičnom referatu</i>		
Pokazatelji za izlazne rezultate		Očekivani rezultati po godinama		
		2022 (n)	2023 (n+1)	2024 (n+2)
Procent ukinutih odluka na krivičnom referatu		25%	23%	20%
Redni broj	Naziv aktivnosti za 2020. godinu	Rok izvršenja		Nosilac
1.	Analiza razloga koji su doveli do ukidanja sudskih odluka	I-IV kvartal		Postupajući sudija Predsjednik odjeljenja
2.	Praćenje sudske prakse	I-IV kvartal		Predsjednik odjeljenja
3.	Redovno održavanje sjednica kolegija odjeljenja suda	I-IV kvartal		Predsjednik odjeljenja

Strateški cilj 2.		Unapređenje kvaliteta rada suda		
Trogodišnji cilj 2.2.		<i>Smanjen procent ukinutih odluka na upravnom referatu</i>		
Pokazatelji za izlazne rezultate		Očekivani rezultati po godinama		
		2022 (n)	2023 (n+1)	2024 (n+2)
Procent ukinutih odluka na upravnom referatu		20%	15%	10%
Redni broj	Naziv aktivnosti za 2022. godinu	Rok izvršenja		Nosilac
1.	Analiza razloga koji su doveli do ukidanja sudskih odluka	I-IV kvartal		Postupajući sudija Predsjednik odjeljenja
2.	Praćenje sudske prakse	I-IV kvartal		Predsjednik odjeljenja
3.	Redovno održavanje sjednica kolegija odjeljenja suda	I-IV kvartal		Predsjednik odjeljenja
4.	Zauzimanje pravih stavova i pravnih shvaćanja radi ujednačavanja sudske prakse	I-IV kvartal		Sudije Predsjednik odjeljenja

Strateški cilj 3.		Unapređenje transparentnosti rada suda		
Trogodišnji cilj 3.1.		<i>Informisanje javnosti o pitanjima značajnim za rad suda</i>		
Pokazatelji za izlazne rezultate		Očekivani rezultati po godinama		
		2022 (n)	2023 (n+1)	2024 (n+2)
Broj objava na web stranici suda		+7%	+8%	+9%
Redni broj	Naziv aktivnosti za 2022. godinu	Rok izvršenja		Nosilac
1.	Objavljivanje anonimiziranih presuda suda donesenih u predmetima organiziranog kriminala i korupcije	I-IV kvartal		Odjeljenje sudske uprave
2.	Objavljivanje odluka i akata od značaja za rad suda a prema listi akata koji se objavljuju	I-IV kvartal		Odjeljenje sudske uprave
3.	Objavljivanje statističkih i drugih izvještaja o radu suda prema utvrđenoj listi akata koji se objavljuju	I-IV kvartal		Odjeljenje sudske uprave

C. Godišnji plan rješavanja predmeta

Plan rješavanja predmeta se izrađuje u skladu sa važećim Uputstvom za izradu planova rješavanja predmeta usvojenog od strane VSTV-a.
Pored godišnjeg plana rješavanja prvostepenih predmeta, kantonalni sudovi su u obavezi da sačinjavaju i kvartalne planove za drugostepene predmete.

Godišnji plan rješavanja sudskih predmeta za 2022. godinu

Redni broj	Naziv sudskog odjeljenja	Broj sudija u sudskom odjeljenju	Broj planiranih sudskih predmeta	Norma po sudiji
1.	Građansko odjeljenje (U i V)	9	216	242
2.	Krivično odjeljenje	3	21	55

D. Ostale informacije

Broj: 001-0-Su-22-00051
Bihać, 31.01.2022. godine



Predsjednica suda:
Fata Nadarević